

UGOVOR O JAVNOJ NABAVCI ROBA

Zaključen dana 30.05.2019. godine u Sarajevu između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Ugovorni organ**), koga zastupa Direktor Preduzeća **mr.sci. Nermin Demirović, dipl.ing.šum.**

i
„HIFA - PRETROL“ Društvo za promet naftom i naftnim derivatima d.o.o. Sarajevo, sa sjedištem u Vogošći, ul. Hotonj bb, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-18-011300 od 24.12.2018. godine; identifikacioni broj: 4200999090005; PDV broj: 200999090005 (u daljem tekstu: **Ponuđač**) koga zastupa **Ahmetlić Hajrudin, direktor.**

(u daljem tekstu : **Ugovorne strane**)

Član 1.

Predmet ovog Ugovora je javna nabavka roba za potrebe Ugovornog organa, i to:

- **Nafta i naftni derivati fcco benzinska pumpa**

1	2	3	4	5	6
Red br.	Opis roba	Jed. Mj	Količina	Jedinična cijena bez PDV-a	Ukupna cijena (4X5) bez PDV-a
1.	Dizel bas en 590 (10ppm)	L	30.000,00	1,478	44.340,00
2.	BMB 95 oct	L	2.000,00	1,391	2.782,00
Ukupno bez pdv-a					47.122,00
Popust 1%					471,22
UKUPNO bez PDV-a sa popustom					46.650,78

a u svemu prema odredbama Okvirnog sporazuma, broj:0103-2794-26/18 od 15.02.2019. godine i Zahtjeva Službe za marketing i komercijalne poslove, broj:0202-1487-1/19 od 30.05.2019. godine.

Ukupna vrijednost roba iz prethodnog stava iznosi **46.650,78 KM**, bez uključenog iznosa pripadajućih indirektnih poreza, odnosno PDV-a, koji plaća Ugovorni organ.

Član 2.

Ovaj Ugovor se zaključuje na osnovu Okvirnog sporazuma, broj:0103-2794-26/18 od 15.02.2019. godine.

Član 3.

Ponuđač se obavezuje da će ovlaštenim licima Kupca prema dostavljenom spisku vozila i podataka o ovlaštenim licima od strane kupca, vršiti isporuku – tankovanje nafte i naftnih derivata na vlastitim benzinskim pumpama na području Kantona Sarajevo, na sljedećim lokacijama:

Hifa - petrol d.o.o. Sarajevo, B.P. Ilidža, Rustempašina 38, Ilidža;

Hifa - petrol d.o.o. Sarajevo, B.P. Vogošća, Hotonj bb, Vogošća;

Hifa - petrol d.o.o. Sarajevo, B.P. Buća Potok, Adema Buće bb, Sarajevo;

Pored navedenih objekata u vlasništvu Ponuđača, obezbijeđena je mogućnost korištenja benzinskih pumpi u vlasništvu drugih pravnih lica koja se bave istom djelatnošću, sa kojima Ponuđač ima zaključene ugovore o poslovnoj saradnji, i to:

Hasanal d.o.o. Ilijaš, B.P. Ilijaš, Lješevo bb, Ilijaš;

Hifa d.o.o. Tešanj, B.P. Pazarić, Omladinska 17 Pazarić, Hadžići;

I to svakim radnim danom, subotom, nedjeljom i praznicima u periodu od 0-24 sata.

Član 4.

Ponuđač garantuje kvalitet robe-nafte i naftnih derivata navedenih u članu 1. ovog Okvirnog sporazuma u skladu sa propisanim standardima, te da će Ugovornom organu isporučivati robu koja će biti u skladu sa Uvjerenjem o kvaliteti naftnih derivata izdatim od nadležnih inspeksijskih tijela, koje je dostavljeno u ponudi Ponuđača.

Ugovorni organ zadržava pravo da prilikom svake pojedinačne isporuke robe-nafte i naftnih derivata navedenih u članu 1. ovog Okvirnog sporazuma izvrši uzorkovanje i laboratorijsku analizu isporučenih roba o vlastitom trošku.

U slučaju reklamacije Ugovornog organa na kvalitet i kvantitet isporučene robe, Ugovorni organ će o tome obavijestiti Ponuđača, nakon čega će predstavnici ugovornih strana sačiniti zapisnik u kojem će se utvrditi stvarno stanje i predložiti rješenje spora, a Ponuđač se obavezuje da će Ugovornom organu u slučaju isporuke nekvalitetne nafte i naftnih derivata nadoknaditi svu prouzrokovanu štetu nastalu upotrebom takvog goriva.

Član 5.

Ugovorni organ se obavezuje da će Ponuđaču za isporuku roba iz člana 1. ovog Ugovora izvršiti plaćanje na osnovu ispostavljene fakture od strane Ponuđača u roku od 60 (šezdeset) dana od obračuna i fakturisanja isporučene robe, na transakcijski račun Ponuđača broj: 3385502203296597 otvoren kod UniCredit banke.

Član 6.

Ukoliko u toku realizacije ovog Ugovora dođe do promjene cijene roba iz člana 1. ovog Ugovora, a u skladu sa članom 10. Okvirnog sporazuma, broj: 0103-2649-24/17 od 10.01.2018.godine, nove cijene će se primjenjivati na preostalu ugovorenu nepreuzetu količinu, što će se posebno regulisati aneksom.

Član 7.

Za realizaciju ovog Ugovora u ime Ugovornog organa zadužuje se Izvršni direktor Oblasti za šumarstvo.

Član 8.

Za praćenje realizacije ovog Ugovora u ime Ugovornog organa zadužuje se Služba za marketing i komercijalne poslove.

Član 9.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

Član 10.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 11.



Ovaj Ugovor stupa na snagu danom potpisivanja, a isti će važiti do realizacije ugovorene količina ili ugovorene vrijednosti iz člana 1. ovog Ugovora u zavisnosti od toga koja od ove dvije okolnosti prije nastupi.

Član 12.

Ovaj Ugovor je sačinjen u 6 (šest) istovjetnih primjeraka od kojih 4 (četiri) zadržava Ugovorni organ, a 2 (dva) primjerka Ponuđač za svoje potrebe.


Za Ponuđača
Direktor

Ahmetlić Hajrudin


Za Ugovorni organ
Direktor

mr. Ste. Nermir Demirović, dipl.ing.šum.

Izvršni direktor Oblasti za šumarstvo


Proja Adnan, dipl.ing.šum.

Izvršni direktor Oblasti za opšte poslove


Kečo Hidajeta, dipl. ecc.

Broj: 1031/19
Datum: **30.05.2019. godine**

Broj: **0103-1487-2/19**
Datum: **30.05.2019. godine**